

**SULIT\***

**910/1**

**PERCUBAAN STPM 2014**

**BAHASA MELAYU**

**KERTAS 1**

**(Dua Jam)**

**SIJIL TINGGI PERSEKOLAHAN MALAYSIA**

**Arahan kepada calon:**

**JANGAN BUKA KERTAS SOALANINI SEHINGGA ANDA DIBENARKAN BERBUAT DEMIKIAN.**

Kertas ini mengandungi tiga bahagian, iaitu Bahagian A, Bahagian B, dan Bahagian C.

Calon dikehendaki menjawab semua soalan dalam Bahagian A dan Bahagian B dan satu soalan dalam Bahagian C.

Ada dua puluh soalan dalam Bahagian A. Tiap-tiap soalan diikuti oleh empat pilihan jawapan. Pilih satu jawapan yang betul dan tandakan jawapan itu pada Borang Jawapan Aneka Pilihan yang berasingan. Baca arahan pada Borang Jawapan Aneka Pilihan itu dengan teliti.

Calon dikehendaki menjawab soalan dalam Bahagian B dan Bahagian C pada helaian jawapan. Mulakan setiap jawapan anda pada helaian kertas yang baharu dan susun jawapan mengikut tertib berangka.

Markah untuk tiap-tiap soalan dan bahagian soalan diberikan dalam tanda kurung [ ].

Kertas soalan ini mengandungi 100 markah.

---


**Kertas soalan ini terdiri daripada 10 halaman bercetak dan 2 halaman kosong.**

**PERCUBAAN STPM 910/1**

\*Kertas soalan ini SULIT sehingga peperiksaan kertas iti tamat.

**Bahagian A [20 markah]***Jawab semua soalan.*

1.



Contoh bahasa yang berasal daripada keluarga X ialah

- I Hawaii                    III Carolina  
 II Bandar                 IV Makasar

- A. I dan II  
 B. II dan IV  
 C. II dan III  
 D. III dan IV

2. Penyataan yang manakah yang berkaitan dengan batu bersurat di Kedukan Bukit?

- I Batu bersurat tertua yang pernah dijumpai  
 II Kandungannya berkaitan dengan kisah pelayaran  
 III Merupakan karya puisi Melayu Kuno yang tertua  
 IV Dijumpai di kaki gunung berdekatan dengan Bogor

- A. I dan II  
 B. I dan IV  
 C. II dan III  
 D. III dan IV

3. Yang manakah pernyataan yang benar tentang bahasa Melayu kuno?

- I Vokal *e* pepet tidak digunakan dalam bahasa Melayu kuno  
 II Terdapat konsonan *dz* dan *kh* yang dipinjam daripada bahasa Sanskrit  
 III Awalan *par-* dalam bahasa Melayu kuno berubah menjadi *ber-* dalam bahasa Melayu moden  
 IV Fonem *w* dalam bahasa Melayu kuno berubah menjadi *b* secara tekal dalam bahasa Melayu moden

- A. I dan II  
 B. I dan IV  
 C. II dan IV  
 D. III dan IV

4.

Sebermula adapun Raja Kecik lepaslah ia ke Riau maka waktu hendak lalu maka berjumpalah ia dengan perahu Bugis Pendewakan tiga buah.

Ciri bahasa Melayu klasik yang terdapat dalam petikan di atas ialah...

- I Menggugurkan subjek
- II Menggunakan ayat songsang
- III Menggunakan penanda pangkal ayat
- IV Menggunakan ayat tunggal yang panjang

- A. I dan II
- B. I dan III
- C. II dan IV
- D. II dan III

5. Perakuan bahawa bahasa Melayu sebagai bahasa ilmu tercatat dalam

- I Perlembagaan Persekutuan, Perkara 152
- II Akta Bahasa Kebangsaan, 1963/67
- III Penyata Rahman Talib
- IV Penyata Razak

- A I dan II
- B I dan III
- C II dan IV
- D III dan IV

6. Yang manakah perkataan yang benar tentang Akta Bahasa Kebangsaan 1963/1967?

- I Menetapkan penggunaan bahasa Melayu di mahkamah
- II Menetapkan tulisan Rumi sebagai tulisan rasmi bagi bahasa kebangsaan
- III Memperuntukkan bahawa status bahasa kebangsaan tidak boleh dipersoalkan
- IV Menyebutkan bahawa Yang di-Pertuan Agong boleh membenarkan penggunaan bahasa Inggeris bagi mamksud yang tertentu

- A. I dan II
- B. I dan III
- C. II dan IV
- D. III dan IV

7. Antara matlamat penubuhan Dewan Bahasa dan Pustaka (DBP), seperti yang terdapat dalam Ordinan DBP 1956 adalah untuk memajukan dan memperkayaan bahasa kebangsaan.

Apakah usaha DBP untuk mencapai matlamat di atas?

- I Mencipta istilah baharu dalam pebagai disiplin ilmu  
II Menggalakkan penubuhan persatuan penulis di negara ini  
III Membantu penerbitan bahan bacaan dalam pelbagai bidang  
IV Memperjuangkan bahasa Melayu sebagai bahasa kebangsaan
- A. I dan II  
B. I dan III  
C. II dan IV  
D. III dan IV

8.

Buku
<ul style="list-style-type: none"><li>• Tatabahasa Dewan</li><li>• Kamus Dewan</li><li>• Daftar Ejaan Rumi Bahasa Malaysia</li></ul>

Dalam perancangan bahasa Melayu, penerbitan buku di atas membuktikan kejayaan usaha

- A. Penilaian  
B. Pemupukan  
C. Pengekodan  
D. Pemasyarakatan

9.

Bibir dibundarkan + Belakang lidah diangkat setinggi-tinggi+ Udara keluar tanpa sekatan

Bunyi yang dihasilkan berdasarkan keterangan di atas terdapat pada perkataan

- A. Suhu, buku  
B. Nenek, geger  
C. Tolong, golong  
D. Cahaya, warna

10.

Apabila sampai di tepi pantai, mereka pun bersantai sambil menikmati angin sepoi-sepoi bahasa serta bergurau senda.

Apakah jenis bunyi pada suku kata akhir kata-kata yang dimiringkan dalam ayat di atas

- A. Vokal
- B. Diftong
- C. Rangkap vokal
- D. Separuh vokal

11.

Untuk menghasilkan vokal ini, depan lidah diturunkan serendah-rendahnya. Lelangit lembut diangkat untuk menutup rongga hidung. Udara dari paru-paru keluar melalui rongga mulut tanpa sekatan. Vokal ini hadir dalam semua lingkungannya, iaitu pada awal, tengah, dan akhir kata.

Vokal yang dimaksudkan ialah

- A. Vokal depan luas
- B. Vokal depan sempit
- C. Vokal depan separuh luas
- D. Vokal depan separuh sempit

12. Perkataan manakah yang mengandungi bunyi letutan lelangit lembut?

- A. Gali
- B. Ghairib
- C. Khatib
- D. Tertib

13. Kumpulan perkataan manakah yang mengandungi bunyi konsonan geseran asli bahasa Melayu?

- A. Selusuh, hudud
- B. Geger, lipat
- C. Radio, molek
- D. Parut, sangkar

14.

Kiri jalan kanan pun jalan  
 Tengah-tengah pohon duku  
 Kirim jangan pesan pun jangan  
 Sama-sama menanggung rindu

Bunyi yang terdapat pada setiap akhir perkataan bertanda miring ialah

- A. Sengauan bibir
- B. Sengauan gusi
- C. Sengauan lelangit keras
- D. Sengauan lelangit lembut

15. Yang manakah perkataan yang kesemua konsonannya terdiri daripada konsonan tak bersuara?


- A. Bujur
- B. Gelas
- C. Petak
- D. Madah

16. Pilih padanan yang betul antara lambing konsonan dengan namanya.

	Lambang Konsonan	Nama Konsonan
i	[g ]	P Letusan lelangit keras
ii	[j ]	Q Geseran glotis tak bersuara
iii	[n ]	R Letupan lelangit lembut
iv	[h ]	S Sengauan gusi

	i	ii	iii	iv
A	Q	R	S	P
B	P	S	Q	R
C	R	Q	P	S
D	R	P	S	Q

17.



R dalam carta di atas ialah

- A. Vokal depan luas
- B. Vokal depan sempit
- C. Vokal depan separuh luas
- D. Vokal depan separuh sempit

18.

- Depan lidah diturunkan serendah-rendahnya
- Udara keluar secara berterusan
- Pita suara bergetar
- Bibir terhampar

Vokal yang terhasil melalui proses di atas terdapat dalam perkataan

- A. Borong
- B. Bilik
- C. Batas
- D. Busung

19. Pilih perkataan yang apabila dibunyikan akan wujudnya hentian glotis.

- A. Taraf
- B. Kaedah
- C. Robot
- D. Galak

20. Perkataan manakah yang tidak mengikut pola keselarasan vokal bahasa Melayu?

- A. Obor
- B. Lancong
- C. Leher
- D. Celoteh

### Bahagian B [ 30 markah ]

Baca petikan di bawah dengan teliti, kemudian jawab semua soalan

Tidak mustahil untuk kita mengukuhkan budaya inovasi dalam kalangan rakyat negara ini. Walau bagaimanapun, amalan ini perlu dimulakan dari awal, iaitu ketika anak-anak berada pada peringkat tadika. Langkah ini penting supaya penyuburan budaya inovasi dapat dilihat dengan lebih jelas dalam beberapa tahun akan datang. Inovasi ialah usaha yang dilakukan untuk meningkatkan mutu sesuatu produk atau perkhidmatan. Budaya inovasi di negara ini masih jauh ketinggalan berbanding dengan negara maju, terutama Amerika Syarikat, Jepun, dan negara-negara lain di Eropah. Dalam tempoh 5 hingga 10 tahun akan datang, budaya inovasi dipercayai dapat berkembang dengan baik sekiranya usaha pemupukannya digerakkan mulai sekarang.

Sumber yang banyak di sesebuah negara adalah antara faktor yang mendorong pemupukan budaya inovasi. Hal ini demikian kerana sumber tersebut boleh dieksloitasi untuk menjalankan kerja-kerja penyelidikan. Sebagai contoh dalam aspek tenaga, Malaysia mempunyai sumber yang banyak seperti air, biomas, dan biologi. Selain itu, sudah terdapat tanda-tanda bahawa rakyat negara ini semakin sedar akan kepentingan inovasi untuk meningkatkan mutu kehidupan manusia. Perkara penting yang perlu dilakukan termasuklah meningkatkan mutu produk dan perkhidmatan.

Walaupun begitu, rakyat negara ini masih berdepan dengan pelbagai halangan dalam usaha untuk menyuburkan budaya inovasi. Antara halangan tersebut ialah sikap segelintir ibu bapa yang mempengaruhi pemikiran anak sehingga mereka tidak kreatif dan inovatif. Ibu bapa yang demikian kerap memberikan peringatan kepada anak-anak mereka agar tidak melakukan sesuatu. Dengan demikian menyebabkan kecenderungan kanak-kanak untuk melakukan sesuatu yang baharu terbantut. Keadaan ini menyebabkan mereka tidak terdidik untuk melakukan perkara baharu yang lebih baik apabila dewasa. Ibu bapa juga perlu mengawal perilaku anak-anak mereka supaya tidak melakukan sesuatu yang mendatangkan masalah.

Selain itu, kurangnya minat membaca dalam kalangan anak-anak dan kurangnya kemudahan dan program yang berkaitan dengan inovasi menjadi faktor budaya inovasi kurang dilaksanakan di sekolah. Oleh itu, sekolah perlu memainkan peranan untuk mengadakan lebih banyak program yang mampu menggalakkan pelajar agar terlibat dalam program reka cipta dan inovasi. Halangan yang paling serius ialah kesukaran pihak sekolah untuk memberikan dorongan kepada pelajar supaya mereka meminati bidang inovasi. Hal ini disebabkan pelajar tidak mempunyai gambaran tentang masa depan mereka sebagai penyelidik sekiranya mereka tidak didekah dengan perkara tersebut. Kebanyakan pelajar masih tidak mempunyai model dalam negara yang boleh dicontoh dalam bidang inovasi. Contoh yang ada hanyalah tokoh-tokoh dari negara luar, seperti Bill Gates dan Alfred Nobel.

(Dipetik dan diubahsuaikan daripada *Estidotmy*, Edisi 27,  
28 April 2004, halaman 6 - 7, Utusan Malaysia)

21. Jelaskan maksud frasa

- (a)... penyuburan budaya inovasi dapat dilihat dengan lebih jelas dalam beberapa tahun akan datang (baris 3-4) [ 2 ]  
(b)... mempengaruhi pemikiran anak sehingga mereka tidak kreatif dan inovatif (baris 19) [ 2 ]

22. Apakah mesej yang mahu disampaikan oleh penulis melalui petikan di atas? [ 6 ]

23.

“Oleh itu, sekolah perlu memainkan peranan untuk mengadakan lebih banyak program yang mampu menggalakkan pelajar agar terlibat dalam program reka cipta dan inovasi.” (baris 28-30)

Berikan ulasan anda tentang pendapat ini dengan mengemukakan bukti-bukti yang sesuai. Panjang jawapan anda hendaklah tidak lebih daripada 150 patah perkataan.

[20]

**SULIT\*****Bahagian C [ 50 markah ]**

*Tulis sebuah karangan yang panjangnya antara 600 hingga 650 patah perkataan berdasarkan satu daripada tajuk-tajuk di bawah.*

24. Kes penyeludupan semakin membimbangkan walaupun pelbagai langkah telah diambil untuk mengatasinya. Setiap tahun kerajaan terpaksa menanggung kerugian disebabkan oleh masalah penyeludupan yang masih berlaku di negara ini. Terdapat beberapa punca yang mendorong masalah tersebut terus berlaku dan kesannya pula sememangnya merugikan banyak pihak. Jelaskan pernyataan ini.
25. Kecanggihan bidang sains dan teknologi memberi sumbangan yang amat besar dalam kemajuan pelbagai bidang, termasuklah bidang sukan. Pada pendapat anda apakah sumbangan bidang sains dan teknologi dalam membantu meningkatkan kemajuan sukan di negara kita?
26. Menguasai bahasa Inggeris merupakan salah satu aspek yang amat penting dalam memastikan seseorang pelajar dapat memajukan diri mereka ke peringkat yang lebih tinggi dalam sesuatu bidang. Namun begitu, kelemahan penguasaan bahasa Inggeris dalam kalangan pelajar, khususnya pelajar luar bandar sangat membimbangkan. Terdapat beberapa faktor yang dikatakan menjadi punca kelemahan tersebut. Bincangkan.